

*Ulrich ab Burg quittiert dem Vogt Gaudenz von Matsch die Bezahlung aller geleisteten Dienste, v. a. auch derjenigen Dienste, die er auf Empfehlung von **Ludwig von Brandis** jenem geleistet hat.*

*Or.: SLA, Schlossarchiv Churburg, Kasten A, Nr. 381 – Pg. – Siegel ist abgefallen.
Regest: LUB II (cg) n. Thommen V, Nr. 106, S. 125.*

^{a)}Ich, Vlrich ab Purg, den man nennt Tannberger¹, bekheñ offenlichen mit disem brieff vnd tun kunth allermenigklichen, das mich | der wolgeborn herr vogt Gaudenntz von Metsch², graue ze Kirchperg³ etc. vmb all verlossen dinst, so ich seinen gnaden piss auff den hewtign tag ge- | dient vnd beweist hab, kaine aussgenomen vnd sunderlichen vmb die dinst, so ich seinen gnaden von der zeit, als mich der wolgeborn **Ludwig** | freyherr **ze Brandis**⁴ zu seinen gnaden verholffen zu pringen vnd verdingt hat nach inhalt derselben abred durch denselben herrn **von | Brandis** beschehen, gar vnd ganntz aufgericht, betzalt vnd berügig gemacht, an allen meinen schaden, vnd sag also darauff fur mich, | mein erben vnd menglichen von meinentwegen den benanten meinen gnedigen herrn von Metsch vnd all seiner gnaden erben vmb | all verlossen dinst vnd dinstgelt, wie ich die seinen gnaden beweyst vnd er mir schuldig zu tun ist, vntz auff den hewtigen tag, | kaine aussgenomen, gantz vnd gar quiet ledig vnd los, vnd wellen vnd sollen ich, meine erben noch menigklich von meinentwegen | darumb zu dem benanten meinem gnedigen herren von Metsch seiner gnaden erbenn vnd menigklichen von seiner gnaden wegen | hinfur nymermer kainerlay vordrung zuspruch suechen haben sullen noch wellen, in khain weis noch weg angeuerde. Mit vr- | khund ditz brieffs, so hab ich benanter Vlrich ab Purg vleyssigklich gepetten vnd erpetten den erwirdigen herren Albrechten⁵ abbt des | wirdigen gotzhaus zu Sand Marienperg⁶, meinen gnedigen herren, das er seiner gnaden innsigl offennlichen an disen brieff ge- | henngt hat, doch im vnd seiner gnaden nachkomen anschaden, der geben ist an freitag nechst nach Sand Laurentzen tag als man | zalt nach Cristi vsers lieben herren gepurde viertzehenhundert vnd funffvndachtzig jare.^{b)}

^{a)}Initialen „ICH“ xx cm. – ^{b)}Vermerk auf der Rückseite: vogt Gaudennzen quittung von Vlrich ab | Purg, genant Tannberger, seines lid- | lons oder dienstgelts wegen. | A. 1485.

¹ Vlrich ab Burg (Purg), genannt Tannenberg – ² Gaudenz v. Matsch, *1453-†1504. – ³ Kirchberg an der Iller, Gem., BW (D). – ⁴ Ludwig v. Brandis, 1483-†1506. – ⁵ Albert (Albrecht) v. Brandis, 1472-†1499Abt. – ⁶ St. Marienberg, Abtei des Benediktinerordens im Vinschgau (I).